

HALOHALIKA NY RANOM-BARY ANY ANKAZOBE

## Lasibatry ny herisetra sy ny fakana an-keriny ny zaza amam-behivavy

Manao ny ataony mihibitsy amin'izao fotoana ny dahalo ao amin'ny distrikan'Ankazobe faritra Analamanga, amin'ny fanafihana mitam-piadiana miraka amin'ny herisetra sy fakana an-keriny. Tany Mahavelona Ankazobe izay anisan'ny faritra mena amin'ny asan-dahalo. Ampolony ny olona efa nalaïn'ny dahalo an-keriny. Lasibatry ny herisetra ny zaza amam-behivavy ary vola be no takalon'ny takalon'aina. Tao anatin'ny 2 volana izay, tsi misy matery an-trano intsony ny olona ao amin'ireo fokontany maromaro mandrafitra an'i Mahavelona Ankazobe noho ny asan-dahalo mahery vaika. Mandositra any antsaha ireo mponina amin'ny alina



Bala amin'ny fitaovam-piadiana mahery vaika ampasain' ny dahalo any Ankazobe.

matory, raha toa ka reraky ny asa aman-draharaha eny ambanivohitra ny ton-tolo andro. Raha ny fanta-mitondra fitaovam-piadiana mahery vaika: basy ireo dahalo rehefa manafika ary manodidina ny 20 katramin'ny 30 lahy izy ireo no indray manao fanafihana. Tsy mitsitsy fa mitifitra mamono ho faty mihibitsy. Tsy mangalatra

omby toy ny fanaony hantramin'izay anefa ireo dahalo, fa olona no alain'izy ireo an-keriny ary saika tovovavy avokoa izy ireo, ka angatahan'ny dahalo VOLA BE ny fianakanavin'ireo nalaina an-keriny. Ankoatra ny fakana an-keriny, manolana ihany koa ireo dahalo ary tsy mifidy na vavy antitra na vehivavy mitondra vohoka

na ihany koa zatovo vavy. Ny tena mahagaga ireo mponina any an-toerana dia toa verivery saina izay olona avotsotri'zy ireo avy any rehefa nisy fifampiraharana ara-bola. Anisan'ny fokontany efa nahita faisana tamin'ity fampiro-rohoroana ataon'ny dahalo sy fakana an-keriny ity ny tao Andranokambana: Fihaonana, Ambohidranokely ary Ambohidrampabano. Mitaitaina mafy ankehitriny ny mponina ao amin'ny fokontany Antolojanahary sy Andranovelona ny amin'ny mety ho fahatongavan'ireo dahalo any amin'ny misy azy ireo. Manao antso avo amin'ny mpitandro filaminana hijery faran'izay haingana ny mahazo ny any Ankazobe izao.

Niaina

Ambatomanoina Anjozorobe

## Dahalo sy zandary nifampitifitra, dahalo roa lavo, basy vita gasy tratra

Mafampana amin'ny re-saka tsy fandriampahale-mana noho ny asan-dahalo koa ny any amin'ny distrikan'Anjozorobe faritra Analamanga. Raikitra ny fifampitifiranana teo amin'ireo zandary notarihin'ny CB Ambatomanoina, izay nanao fisafona andro alina sy ireo olon-dratsy. Nambenan'ireo dahalo maromaro mirongo basy mahery vaika, basimborona sy vita gasy ny fandalovan'ny zandary tao amin'ny kizo Ankadinila-lao fokontany Tsarahone-

nana kaominina Ambatomanoina Anjozorobe ny alin'ny talata hifoha omaly alarobia, tamin'ny 2 ora maraina. Voatery namaly tifitra ny zandary sy ny fokonolona. Lavo ny dahalo anankiroa ary tavela ny basy sy bala nampiasainy. Nitsoaka kosa ny namany sasany. Mitohy hatrany anefa ny fikarohana azy ireny, ka izay manana vaovao dia afaka mampandre ny Zandari-maria, ho arovan'izy ireo ny mpanome vaovao.

Niaina



Dahalo lavo tany Ambatomanoina.

Lalao Rugby

## Ankatoky ny famaranana miisa 6 no hotontosaina amin'ny alahady

Ankatoky ny famaranana miisa 6 be izao, no hifanesy hoton-saina amin'ny kianja Makis Andohatapenaka (kianja anatin sy kianaja «annexe»), amin'ny alahady 10 desambra 2023 ho avy izao dia ny «1/2 finale Coupe de Madagascar D1 Homme 2023» sy ny «1/2 finale Championnat de Madagascar D1 Dame 2023» ary ny «1/2 finale Championnat de Madagascar D2 Dame 2023», nefà dia tsy hiova ny vidim-pidirana fa ho 2000 Ar ho an'ny ankizy, 5000



Kianja « annexe Makis Andohatapenaka ».

Ar hoan'ny lehibe, ary ho 1000 Ar ho an'ny tribune. Fandaha-

ran-dalao Championnat de Madagascar Dame 2 (kianja an-

nexe) : 09h00-Asut Université d'Antananarivo # Fanja Anjanahary, 11h00-Scb 2 Besarety # Uasc Cheminot. Fandaharan-dalao 1/2-finale Dame Division 1 (kianja anatin) : 09h00-Scb 1 Besarety # Rcts Soavimasoandro, 11h00-Fffa Antohomadinika # Ftm Manja-karay, Fandaharan-dalao 1/2-finale Coupe de Madagascar (kianja anatin): 13h00-Tam Anosibe # Uscar Commune, 15h00-Ftm Manja-karay # Cosfa Miaramila.

Rainilita

Fiofanana « FIBA WABC LEVEL 1 Maurice 2023 »

## Coach Lanto sy coach Brenda no solontena Malagasy



Ireto Coaches miofana atsy Maoris.

Ranarivelonanana Brenda Riantsoa avy amin'ny klioban'ny Fandrassa Matsiatra Ambony, sy Rajanarisoa Lanto Andrianina avy amin'ny klioban'ny NGB Itasy, no notendren'ny FMBB malagasy hiatrika ny fampiofana iraisam-pirenena, an'ireo mpanazatra basikety avy amin'ny faritra faha-7 aty Afrika, izay tarihan'ny « expert Fiba », U-

riachi Naoufal. Fanofanana mpanazatra hanofana mpanazatra namany hampiofana ny tanora amin'ny taranja basikety ity fanofanana hatao atsy amin'ny Nosy Maorisity, nanomboka tamin'ny alahady 03 desambra 2023 teo, ka hifarana amin'ny sabotsy 09 desambra 2023 ho avy izao.

Rainilita

Finoana katolika

## Nahazo Eveka vaovao ny Diosezin'i Fort-Dauphin

Nahazo Eveka vaovao ny Diosezin'i Fort-Dauphin any amin'ny faritra Anôsy. Neken'ny Ray Masina, Papa Fransoà, ny fangatahan'i Mgr Vincent Rakotozafy hitsahatra amin'ny maha mpiandry ondry azy ao amin'ny Diosezin'i Taolagnaro.

Niaraka tamin'izany dia notendreny ho Eveka vaovao hitantana io Diosezy io i Mompera Luc Olivier Razafitsimalona, izay économe ao amin'ny Seminera Zokiny Md Joany Batista ao Vohitsoa, hatramin'izao.

Toy izao ny momba an'i Mompera Luc Olivier RAZAFITSIMIALONA:

Teraka ny 10 oktobra 1969 tao Ambovombe – Ambositra.

19 april 1998 : nohamasinina ho diakra tao Ihosy.

9 aogositra 1998 : nohamasinina ho pretra tao Betroka. 5 desambra 2023 : voatendry ho Evekan'ny Diosezin'i Taolagnaro.

Ny fianarana norantoviny :

Oktobra 1980-1984 : Seminera Zandriny Immaculée Conception Farafangana.

Oktobra 1984-1989 : Seminera Zandriny Antsirabe (nahazo ny Baccalauréat série A2).

1990-1993 : Fianarana Filozofia tao amin'ny Seminera Zokiny ao Fianarantsoa.

1995-1998 : Fianarana Teolojia (premier cycle) tao amin'ny Seminera Zokiny ao Fianarantsoa.

1998-2000 : Fianarana Teolojia (second cycle) tao amin'ny ICM (nahazo ny Licence canonique en Théologie).

2018 : nahazo ny Doctorat en Théologie tao amin'ny Université de Fribourg – Suisse.

Ireto toerana efa nanirahana azy :

Tao amin'ny Diosezin'Ihosy :

2000-2001 : vice-recteur- ny Seminera Zandriny – vi-kera tao amin'ny paroasy katedraly.

2001-2003 : recteur- ny Seminera Zandriny – mpian-draikitra diosezianin' ireo seminarista zokiny.

2004-2005 : Vikera jeneraly – Recteur- ny Seminera Zandriny - Co-directeur- ny radio « Avec ».

2008-2009 : Curé ny paroasy Katedraly- Vikera jeneraly - Co-directeur- ny radio « Avec ».

2010-2011 : administrateur diocésain.

2011-2014 : Vikera jeneraly- Curé ny paroasy katedraly- Co-directeur- ny radio « Avec ».

Tany Friboury :

Novambra 2015-desambra 2018 : Aomônien'ny hopital cantonal any Fribourg.

Tao Ihosy sy Fianarantsoa : 2019 hatramin'ny 2023 : Mpikambana tao amin'ny Filan-kevitra ekonomikan'ny Diosezin'Ihosy – Mpikambana tao amin'ny Collège des consulteurs Dosezin'Ihosy – Sekreteran'ny evekan'Ihosy. Mpanabe tao amin'ny Seminera Zokiny ao Vohitsoa sy tao amin'ny Institut Supérieur Salésien de Philosophie (St Thomas d'Aquin). Mpanabe sady écono me tao amin'ny Seminera Zokiny Interdiocésain Saint Jean Baptiste ao Vohitsoa.



Ny Eveka vaovaon'ny Diosezin'i Fort-Dauphin.

**NY VALOSOA**  
Gazety misoko Intelo isan-korinandro  
(Tolata - Alekhemisy - Sabotsy)

**Dokam-baratra**

**Tél. 034 79 076 00**